

INUIT AQQINIK AKUERSISARTUT

ataatsimiinnerannit martsip 27-ianni 2008, nal. 10.00

imaqarniliaq

Peqataapput: Carl Chr. Olsen, Emma Balslev aamma Ellen J. Karlsen

Imaqarniliortoq: Nuka Møller

Oqaluuserisassat:

1. Tikilluaqqusineq

2. Aqqit akuereqqullugit qinnutigineqarsimasut:

- a. Naanngu
- b. Rulo
- c. Indalik
- d. Pipalu

3. Atit isumaat pillugit akisassat:

Siuana, Nivineq, Avaruna, Aqattaq, Aqqinaatsiaq, Arnamaaq, Ukkana, Kalia


4. Personnavneloven aamma IAA-p oqartussaananut apeqquut

5. Atit akuerisat nalunaarsukkanut maannamut ilaanngitsut: Umaamii.

6. Atit nittartakkamut ikkussugassat (Kalaallit aqqisa nalunaarsorsimaffiat 2007)

7. Atit pillugit naqitatigut saqqummersussat tullinnguuttut:

CPR pillugit naqitatigut ukiuni kingullerni 50-ini kalaallit atii? Allat?



8. Taasariaqartut allat

1. **Tikiluaqqusineq**

CCO tikilluaqqusivoq ilisimatitsissutigalugulu maanna aalajangerneqarsimasoq Inuit Aqqinik Akuersisartut aamma Nunat Aqqinik Aalajangiisartut Oqaasileriffimmi sulisumit aalajangersimasumik sagsbehandleritut isumaginnittoqalermata. IAA-mut NM aamma NAA-mut LMK.

2. **Aqqit akuereqqullugit qinnutigineqarsimasut**

a. **Naanngu**

Akuerineqarpoq – taamaattoq Tasiilami Palaseqarfimmut erseqqissaatigineqassasoq qinnuteqarnermi allaganngorlugu piffissaliunneqartortoq naapertorlugu qinnuteqartoqartassasoq.


b. **Rulo**

Akuerineqarpoq.

c. **Indalik**

Naak qinnuteqartut Henrik aallaavigalugu kalaallisoorpalluttunngorlugu Indalimmik atsiiniarlutik kissaateqarnerat ilalernartinneqaraluartoq, IAA-mi ilaasortat isumaqarput kalaallisut allattaatsit tunngavii naapertorlugit atsiisarnermut aalajangiussat tusarliunneqassasut tunaartarineqassasullu. Tassa ima allannilik akuerineqqassasoq: Intalik.

Aammattaaq siulittaasup erseqqissaatigaa aalajangiussaqaq tamanna atuutilersinnagu d-lerlugu atermik kuisittoqarsimappat soorunami tamanna attatiinnarneqassasoq.



19. oktober 2007-imi KIIIP-imi oqaatsit pillugit attaveqartarfiusup Pia Lyngep biskopi oqaloqatigereerlugu saaffiginnissutigisimasaa IAA-llu akissutigisimasaa IAA-p siulittaasuata innersuussutigaa. Tassani PL aperivoq d-mik allattarnermut aammalu Tunumiusut Avannersuarmitullu allattarnermut tunngasoq IAA-p allattaata tamanut ilisimatitsissutigissallugu pisussaaffiginnginneraa paaserusullugu.


IAA-p siulittaasua ulloq taanna akivoq d-mik allattarneq avataaniit sunnertissimanermit aallaaveqartoq maannalu atorneqarnissaa innersuussutigineqanngitsoq. Taamaattoq familieretimut tunngassuteqarmata IAA-mi nalornissutigineqartartoq unnerlugu. Tamanna pissutigalugu piffissaq aalajangersimasoq aallarnerfigalugu ilimasaarisooqarsinnaasoq allattaatsit atuuttut tunngavii malillugit allattalernissaq allassimasalissasut, tamannalu susassaqtartut tamaasa siumut ilisimatereerlugit ukiunik pingasunik sisamanik sioqquullugu, tamatumalu kingorna sinnerisa atitik immikkoorutillit ataasiakkaarlutik attassinnaagaat.

Kirkebogit ingerlaasiat navnelovilu qanoq pisinnaatitsinersut apeqqutaatillugu d-p t-mik taarserneqarnissaa ilaqutariittullu inatsisitigut illersugaanerat qularnaassaaq.

Tassungattaaq atatillugu EB-p eqqaavaa biskopi ilisimatitsisimasoq kirkebogimi nalunaarsuisooqartillugu allaattaasitoq atarlugu nalunaarsuineq ingerlanneqarsinnaasoq, allattaasitaamik allassimanissaa kissaatigineqanngippat. Biskopip kaajallaasitatut allagaa taanna Mørchip Chemnitzilluunniit allassimagaa ilisimatitsissutigineqarpoq, allagarlu taanna aamma pissarsiarineqassasoq kissaatigineqarluni.

d. **Pipalu**

Akuerineqarpoq allatigut naalisaasarneq atorneqartarmat, s.i. Kaju, Kulu, Aviitsu Pualu il.il.



3. Atit isumaat pillugit akisassat.

NM-ip ilisimatitsissutigaa kingullermi ataatsimiinnerup kingorna atit isumaat pillugit saaffiginnissutit sulii akineqanngitsut makkuusut:

Siuana, Nivineq, Avaruna, Aqattaq, Aqqinaatsiaq, Arnamaaq, Ukkana, Kalia aamma Qulliaq.

Taakku misissorneqarput isumaalu pillugit paasisaqassaguni saaffiginnittunut ingerlateqqikkumaarlugit unnerpoq.

4. Personnavneloven aamma IAA-p oqartussaananut apeqqu.


NM-ip KIIP-imi inatsisileritooq, Louise Amkær, saaffigisimavaa Qallunaat Nunaanni personnavneloven aamma IAA-p oqartussaananut tunngasunut pillugu Danmarkimi naalakkersuisoqarfinnut saaffiginnissutit qisuariarfigineqarsimanersut. LA-lu e-mailikkut allagaqarluni martsip 18-ani akivoq susoqarpiarsimanngitsoq sulii, taamaattoq saaffiginnissimalluni suliap sumut killinneranut tusarniaassummik.

5. Atit akuerisat nalunaarsukkanut maannamut ilaangitsut: Umaamii.

Siusinnerusukkut ujartorneqarmat “Kalaallit aqqisa nalunaarsorsimaffiat” 2007-imi saqqummersup kingorna IAA-mit aqqit akuerisat ilaangitsut qassiunersut, ilisimatitsissutigineqarpoq ataasiinnaasoq, tassalu Umaamii.

6. Atit nittartakkamut ikkiussugassat.

Ilisimatitsissutigineqarpoq atit nittartakkamiittut tassaasut “Kalaallit aqqisa akuerisat nalunaarsorneqarnerat 1999”-imeersut, sulilu 2007-imi saqqummersumi aqqit ilanngussuunneqarsimasut ikkusorneqarsimanngitsut. Tamanna pillugu misissorneqassaaq TITA A/S-imiit 2007-imeersut pdf fil-inngorlugu tiguneqarsinnaanersut nittartakkamullu ikkunneqarlutik.



7. Atit pillugit naqitatigut saqqummersussat tullinnguuttut

-

8. Taasariaqakkat allat.

-

Inussiarnersumik inuulluaqqusilluta

Carl Chr. Olsen
Siulittaasoq

Nuka Møller
Suliassanik isumaginnittoq